

Sakspapir

Saksbehandler	Arkiv	ArkivsakID
Pål Strand	FA-F03, TI-&75	19/507

Saksnr	Utvalg	Type	Dato
046/2020	Formannskapet	PS	12.11.2020
098/2020	Kommunestyret	PS	03.12.2020

Leve hele livet

Vedlegg:

Handlingsplan (rev.)

Saksopplysninger:

Dokument som ikkje er vedlagt:

- [Stortingsmelding nr. 15 \(2017-2018\)](#)
- [Leve hele livet – regjeringen.no](#)

Kva saka gjeld:

Reformen Leve hele livet er skildra i Stortingsmelding nr. 15 (2017-2018).

Reformen skal bidra til at eldre kan mestre livet lenger, ha tryggleik for at dei får god hjelp når dei treng det, at pårørende kan bidra uten at dei blir utslitt og at ansatte kan bruke sin kompetanse i tenestene. Meldinga sitt hovedfokus er å skape eit mer aldersvennleg Noreg og finne nye og innovative løysingar på dei kvalitative utfordringene knytt til aktivitet og fellesskap, mat og måltid, helsehjelp og samanheng og overgangar i tenestane

Reformen har 5 satsingsområde :

1. Et aldersvennlig samfunn
2. Aktivitet og fellesskap
3. Mat og måltider
4. Helsehjelp
5. Samanheng i tjenestene

Reformperioden tok til 1. januar 2019 og skal vare i fem år - med ulike faser for planlegging, gjennomføring og evaluering. Regjeringa legg opp til ein prosess der kommunestyret seinast i løpet av 2020 handsamar og vedtek korleis reformen kan løysast lokalt. Kommunar som omstiller seg i tråd med reformen vil bli prioritert innafor relevante eksisterande og eventuelle nye statlege støtteordningar.

Innholdet i reformen er omfattande. Av den grunn er det viktig at den enkelte kommune legg opp til ein god prosess som både strukturerar og systematiserar korleis reformen skal følgast opp. I Samnanger har me valgt å setje ned ei brei arbeidsgruppe. Reformen blir sett på som ein eldrefor reform, men den er samtidig sektorovergripande, og omfatter innbyggjarane i kommunen på fleire områder. Målet til arbeidsgruppa har vore å utarbeide ein handlingsplan for Samnanger kommune. Handlingsplanen vert no lagt fram for kommunestyret, slik at arbeidsgruppa kan få

forankring og retning for det vidare arbeidet med planen. Hovudliner og tiltak vert teke med i arbeidet med Samnanger kommunen sin samfunnsplan.

Vurderingar og konsekvensar:

1. Nasjonalforeningen for folkehelsen har eit prosjekt, med kurs og materiell som kommunen kan nytte i arbeidet med Eit aldersvenleg samfunn. Ved å inngå ei samarbeidsavtale med Nasjonalforeningen for folkehelsen vil kommunen få tiltang til kurs og materiell. Dette er kostnadsfritt for kommunen. Rådmannen foreslår at kommunen inngår samarbeidsavtale med Nasjonalforeningen for folkehelsen.
2. Kommunen har eit prosjekt på Velferdsteknologi med varighet ut 2020. Dette er framtidas teneste. Skal kommunen kunne tilby ulike typar velferdsteknologi til innbyggjarane sine, krev det midlar til dette kvart år over budsjettet. Teknologi som vert rekna som helsehjelp må finansierast av kommunen. Prosjekt innen velferdsteknologi vert teke inn i budsjettprosessen.
3. Eit anna tiltak kan vere å ha egen bil/minibuss til å frakte innbyggjarar mellom ulike arrangement – dette er eit ynskje som er meldt inn frå fleire ulike kantar i bygda. Tiltaket vil gjere det lettare for innbyggjarane å kunne delta på aktivitetar og vere del av eit sosialt fellesskap. Ein slik bil/minibuss vil og kunne nyttast til andre oppgaver, som til dømes å hente brukarar til dagsenteret, køyre til tannlegetimar, og til at dei på sjukeheimen elles kan komme seg ut på tur. Kanskje barnehage og skule og kan få nytte av ein slik bil/minibuss. Andre kommunar som har slik bil/minibuss, har og tilbod om handleruter – der eldre kan få reise på butikken og handle sjølve.
4. Fleire av dei andre tiltaka krev tid og ressursar i form av ein tilsett. Eit alternativ kan vere å tilsette ein sjukepleiar i 100 % stilling, som tryggleikssjukepleiar. Denne sjukepleiaren kan då ha ansvar for forebyggjande heimebesøk, undervisning innan ernæring og demens - til både tilsette og innbyggjarar i kommunen, få i gang treningsgrupper i lag med fysioterapeut og vere pådrivar for ulike møteplassar i lag med frivillighetskoordinator. I tillegg kan det vere mogleg å få til eit kvardagsmestringsteam, med tryggleikssjukepleiar som leiar. Oppgåvene som er foreslått her, heng i saman og vil vere naturlege å kombinere.
5. Kommunen vil fortsette arbeidet med å få til eit godt samarbeid med frivillige, på fleire områder. Frivilligsentralen blir eit viktig knutepunkt mellom frivillige, tenestemottakarar og kommune.

Forslag til vedtak:

Rådmannen sitt framlegg til vedtak:

Kommunestyret tek saka til etterretning.

Samnanger kommune inngår samarbeidsavtale med Nasjonalforeningen for folkehelsen om «Eit demensvenleg samfunn».

Kommunen gjev rådmannen mynde til språkvask.

Formannskapet - 046/2020

FORM - behandling:

Rådmannen sitt framlegg vart samrøystes vedteke.

FORM - vedtak:

Kommunestyret tek saka til etterretning.

Samnanger kommune inngår samarbeidsavtale med Nasjonalforeningen for folkehelsen om «Eit demensvenleg samfunn».

Kommunestyret - 098/2020

KS - behandling:

Handsaming:

Linda Haug Kollbotn (Frp) sette fram eit tilleggsframlegg om å ta fleirbrukshall inn som tiltak i planen.

Rådmann Ingebjørg Vamråk bad om at rådmannen får fullmakt til å gjera ein språkvask av planen. Øyvind Strømmen sette etter dette fram eit tilleggsframlegg om å gje rådmannen mynde til språkvask.

Det vart først røysta over Øyvind Strømmen sitt tilleggsframlegg, som vart samrøystes vedteke.

Det vart så røysta over Linda Haug Kollbotn sitt tilleggsframlegg. Framlegget fall med 10 mot 11 røyster.

For	Imot
Knut Harald Frøland (BI)	Annette Espelid (BI)
Lena Tveit (BI)	Martin Haugen (BI)
Anja Elisabeth Gjerde Markhus (BI)	Ove Totland (BI)
Øyvind Steinsland (BI)	Shirin Kvernes Khadoor (Ap)
Solveig Vassenden (BI)	Gunn Østvik Petersen (Ap)
Linda Haug Kollbotn (Frp)	Monica Tjønna (Sp)
Odd Arne Haga (Frp)	Øyvind Røen (Sp)

Karl Bård Kollbotn (Frp)	Gunn Totland Moss (KrF)
Jon Magne Borgevik (Ap)	Arild Røen (H)
Harald Boge (Ap)	Øyvind Strømmen (MDG)
	Oskar Røen (MDG)

Til slutt vart det røysta over formannskapet sitt framlegg, inkludert tilleggspunktet til Øyvind Strømmen. Samrøystes vedteke.

ks - vedtak:

Kommunestyret tek saka til etterretning.

Samnanger kommune inngår samarbeidsavtale med Nasjonalforeningen for folkehelsen om «Eit demensvenleg samfunn».

Kommunen gjev rådmannen mynde til språkvask.

, den 03.11.2020

Pål Strand
rådgjevar